

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) i člana 70. stav (1), (2) i (3) Zakona o javnim nabavkama („Službeni glasnik BiH“ broj: 39/14), Vlada Zeničko-dobojskog kantona, kao ugovorni organ, na 27. sjednici, održanoj dana 14.09.2015. godine, d o n o s i

ODLUKU

o izboru najpovoljnijeg ponuđača

Član 1.

(Izbor najpovoljnijeg ponuđača)

Ponuda ponuđača - **Konzorcija – grupe banaka koju čine: Sberbank BH dd Sarajevo**, Fra Andela Zvizdovića 1., 71000 Sarajevo – nosilac Konzorcija banaka, **Union banka dd Sarajevo**, Dubrovačka 6., 71000 Sarajevo – član Konzorcija banaka i **Moja banka dd Sarajevo**, Trg međunarodnog prijateljstva 25., 71000 Sarajevo – član Konzorcija banaka, za LOT 2 otvorenog postupaka javne nabavke za pružanje usluga dugoročnog kreditnog zaduženja Zeničko-dobojskog kantona u 2015. godini, koji je objavljen dana 26.06.2015. godine u 14,38 h na Portalu Agencije za javne nabavke, pod brojem: 771-1-2-1-3-1/15, kao jedina ponuda pristigla za ovaj LOT, proglašava se najpovoljnijom, te se izabranom ponuđaču dodjeljuje ugovor za pružanje usluga dugoročnog kreditnog zaduženja Zeničko-dobojskog kantona u 2015. godini, za LOT-2.

Član 2.

(Nastavak aktivnosti)

(1) Ugovorni organ će putem Službe za zajedničke poslove ovu odluku i pismeno obavještenje o rezultatima postupku nabavke, u skladu sa članom 70. stav (2) i članom 71. stav (1) Zakona o javnim nabavkama, zajedno sa Zapisnikom o pregledu i ocjeni ponuda dostaviti svim učesnicima postupka, a najkasnije u roku od sedam dana od dana donošenja ove Odluke.

(2) Izabrani ponuđač je dužan u skladu sa članom 72. stav (3) tačka a) Zakona o javnim nabavkama, u roku od 5 dana od dana zaprimanja obavještenja o rezultatima postupka nabavke, dostaviti originale ili ovjerene kopije dokumentacije iz člana 45. Zakona o javnim nabavkama (dokaze o kvalificiranosti), ne starije od tri mjeseca računajući od momenta predaje ponude. Dokazi koje je izabrani ponuđač dužan dostaviti (za svakog člana Konzorcija - grupe banaka), moraju sadržavati potvrdu da je u momentu predaje ponude svaki član Konzorcija ispunjavao uslove koji se traže tenderskom dokumentacijom, u protivnom će se smatrati da je dao lažnu izjavu iz člana 45. Zakona.

(3) Ugovorni organ će odbaciti ponudi ponuđača u slučaju da izabrani ponuđač propusti blagovremeno dostaviti validne dokumente iz stava (2) ovog člana.

(4) U slučaju da izabrani ponuđač blagovremeno dostavi dostavi sve validne dokumente iz stava (2) ovog člana, ugovorni organ će putem Službe za zajedničke poslove dostaviti na potpis izabranom ponuđaču prijedlog ugovora, nakon isteka roka od 15 dana računajući od dana kada su svi ponuđači obaviješteni o izboru najpovoljnije ponude, u skladu sa članom 72. Zakona o javnim nabavkama.

(5) Najkasnije 30 dana od dana zaključivanja ugovora, ugovorni organ će putem Službe za zajedničke poslove objaviti obavještenje o dodjeli ugovora u skladu sa odredbama člana 74. Zakona o javnim nabavkama i dostaviti Agenciji za javne nabavke BiH, Izvještaj o postupku javne nabavke, u skladu sa odredbama člana 75. Zakona o javnim nabavkama.

Član 3.
(Stupanje na snagu)

(1) Odluka stupa na snagu danom donošenja i objavit će se u „Službenim novinama Zeničko-dobojskog kantona“.

(2) Odluka će se objaviti na internetskoj stranici Vlade Zeničko-dobojskog kantona i to istovremeno s upućivanjem odluke ponuđačima koji su učestvovali u postupku javne nabavke.

Pouka o pravnom lijeku:

Protiv ove Odluke može se izjaviti žalba Vladi Zeničko-dobojskog kantona u roku od 10 (deset) dana od dana prijema ove Odluke.

Broj: 02-14-17052/15.

Datum, 14.09.2015. godine

Zenica

PREMIJER

Miralem Galijašević

DOSTAVLJENO:

1x Služba za zajedničke poslove,

1x Svim ponuđačima, putem Službe za zajedničke poslove,

1x Ministarstvo finansija,

1x Komisija,

1x „Službene novine Zeničko-dobojskog kantona“,

1x „WEB stranica Zeničko-dobojskog kantona“,

1x a/a.